



**Sámi allaskuvla**

Sámi University College

OAHPPOPLÁNA

---

# DOARESFÁGALAŠ LOHKANBADJEBARGU

**10 oahppočuoggá**

## **1. OAHPPPOVTTADAGA NAMMA**

Doaresfágalaš lohkanbadjebargu  
Tverrfaglig semesterarbeid  
Short interdisciplinary thesis

## **2. OPPALAŠ DIEÐUT OAHPU BIRRA**

- OAHPPPOVTTADAGA KODA: JOU210
- VIIDODAT: 10 oahppočuoggá
- OAHPU LÁGIDEAPMI: Oahppu lágiduvvo dábálaččat njealját lohkanbajis Sámi allaskuvllas Guovdageainnus.

## **3. OAHPPPOPROGRÁMMA GULLEVAŠVUOHTA**

Oahppoovttadat lea geatnegahtton oassi Journalistihka bachelorprográmmas.

## **4. SISABEASSANGÁIBÁDUSAT**

Sámi allaskuvlla vuodđoahpuid oppalaš sisaváldingáibádusat leat oppalaš lohkangelbbolašvuohta dahje reálagelbbolašvuohta ja sámegiella. Sámegeiela gáibádusa sáhtá deavdit čuovvovaš vugiid mielde: Sámegeiella 1. dahje 2. giellan joatkkaskuvllas, Suoma bealde logahagas eatnigielladutkkus dahje guhkes amasgielladutkkus ja Ruota bealde Modersmål A, B ja C dahje dušše A ja B. Sámegeiela gáibádusa sáhtá maid deavdit Sámegeiella lohkanbadjeoahpuin 30 oč dahje vástideddjiin, dahje ceavzit sámegiela geahččaleami man Sámi allaskuvla lágida.

## **5. OAHPAHUSGIELLA**

Oahpahusgiella lea davvisámegiella. Eará gielat sáhttet geavahuvvot oahpahusas. Oahpahus eará gielaide dulkojuvvo dárbbu mielde. Oahpahus eangalsgillii ii dulkojuvvo.

## **6. SISDOALLU**

Doaresfágalaš lohkanbadjebarggu dutkamušas studeanta čiekŋu muhtin journalistafágalaš fáddái. Lohkanbadjebarggu vuodđun sáhtá leat mediadiehtu, journalistagiella dahje journalistihkka. Studeanttat válljejit ieža lohkanbadjebarggu dutkanfáttá. Dutkamuša fáttá dohkkeha oahppojođiheaddji dahje son gean oahppojođiheaddji dohkkeha dasa. Lohkanbadjebarggu čađahuvvo muđui lohkanbadjebargodutkamuša njuolggadusaid ja fágaoahpaheaddji rávvagiid vuodul.

## **7. OAHPPANJOKSOSAT**

Lohkanbadjebarggu bokte studeanta:

- lea čikŋon journalistihkkii, mediadihtui ja/dahje journalistagillii
- hálddaša metodalaš dieđuid ja dáidduid
- máhtta geahčadit kriittalaččat iežaset dutkanmetodaidd

## **8. OAHPAHAN- JA OAHPPANVUOGIT**

- seminárat
- fágalogaldallamat ja digaštallamat
- bagadallamat ja ságastallamat (dialoga)
- gieddebargu
- iešheanalaš dutkanbargu ja dutkanraportta čállin

Vurdojuvvo ahte studeanttat oassálastet aktiivvalaččat metodakursii ja logaldallamiidda. Studeanttas lea vuoigatvuohta oažžut bagadallama fágaoahpaheaddjis guktii dutkamušbarggu áiggis.

## **9. GÁIBÁDUSAT BEASSAT EKSÁMENII**

Metodakursii lea geatnegahtton searvat. Fágaoahpaheaddji dohkkeha studeantta oassálastima. Kurssa dohkkeheami gáibádussan lea unnimusat 80 proseantta oassálastin ja buot bargobihtát galget leat máhcahuvvon ja 80 proseantta dohkkehuvvon. Studeanttat geatnegahttojuvvojit čadahit studeantabargguid maid fágajođiheadji almmuha logaldallamiid olis.

## **10. EKSÁMEN**

Ruovttueksámen mas studeanta čállá dutkanraportta okto dahje guovttis ovttas. Árvosánit addojuvvojit ECTS vuogádaga mielde, mas A lea buoremus árvosátni ja E lea vuolimus ceavzinsátni. F árvosátni mearkkaša ahte ii leat ceavzán. Eksámenat čadahuvvojit Norgga Universitehta ja allaskuvlla lága ja Sámi allaskuvlla eksámennjuolggadusaid vuodul.

## **11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?**

li leat.

## 12. KVALITEHTASIHKKARASTIN

Čujuhuvvo SA kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvoštallojuvvo evaluerenčoahkkimis ja studeanttat devdet árvoštallanskovi oahpu loahpahettiin. Ásahusdásis oahppu árvoštallojuvvo studeantaárvoštallamiid, eksámenraporttaid, sensorraporttaid ja fágaraortta vuodul.

## 13. LOHKANMEARRI

Fágaoahpaheaddji veahkeha studeanttaid geat eai máhte dárogiela, gávdnat dárogiela girjjálašvuhtii bálldalas lohkašuša eará gillii.

**Eide, Elisabeth** 2003: Lohkanbadjedutkamuša čállin, almmutkeahces kopijja. 18 s

**Rautio-Helander, Kaisa** 1992: Čálalaš bargguid hábmen. Sámi allaskuvla. Guovdageaidnu. 25 s.

**Østby, H., Helland, K., Knapskog, K. & Hillesund, T.** 1998: Metodebok for mediefag. Fagbokforlaget. 288 s.

dahje:

**Klaus Bruhn-Jensen** 2002: A Handbook of Media and Communication Research: Qualitative and Quantitative Methodologies. London and New York: Routledge. 294 s.

Dasa lassin vállje studeanta ieš 2-500 siiddu lohkašuša mii lea čadnon lohkanbadjedutkamuššii.